



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-2-40-603-3/21**
Datum: **21.01.2022. god.**

«Agencija za vodno područje rijeke Save» Sarajevo rješavajući po zahtjevu Ministarstva saobraćaja Kantona Sarajevo – Direkcija za puteve, za donošenje rješenja o vodnoj saglasnosti na dostavljenu projektnu dokumentaciju za rekonstrukciju regionalnog puta R- 445, dionica: pružni prelaz „Alića han“ – most Gnionica, u dužini L = 440 m, na nivou Glavnog projekta, knjiga odvodnja, na osnovu člana 109. stav (1) tačke 9. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99) **donosi**

RJEŠENJE **o vodnoj saglasnosti**

1. Ministarstvu saobraćaja Kantona Sarajevo – Direkcija za puteve daje se vodna saglasnost na dio projektne dokumentacije kojom je obuhvaćena rekonstrukcija regionalnog puta R-445, dionica: pružni prelaz „Alića Han“ – most Gnionica, u dužini cca 440 m i to:
Glavni projekat rekonstrukcije regionalnog puta R-445, dionica: pružni prelaz „Alića han“ – most Gnionica, l = 440 m, knjiga: odvodnja, urađen od strane „EDI – ING d.o.o. Donji Vakuf, juni 2021. god
a u postupku pribavljanja građevinske dozvole.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
4. Vodna saglasnost se daje pod sljedećim uslovima:
 - 4.1. Radove na izgradnji objekata za prikupljanje, tretman i ispuštanje oborinskih i otpadnih voda na predmetnoj trasi izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Mogući višak materijala iz iskopa koji će se pojaviti tokom rekonstrukcije ceste i pripadajućih objekata se ne smije odlagati na vodno dobro, obale i korito vodotoka.
 - 4.3. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara. Tokom izvođenja radova je potrebno da se obezbjedi nadzor nad provođenjem predviđenih mjera zaštite vodotoka od unošenja bilo kakvih opasnih tečnih i drugih materijala u korito i obale, a koje mogu izazvati zagađenje voda.
 - 4.4. Zagate, napere i pomoćne objekte i zahvate u koritu vodotoka koji prilikom izvođenja radova služe za lakše izvođenje određenih zahvata, ukoliko se ukaže potreba za formiranjem istih, izvesti na način da što manje ugrožavaju proticajni profil rijeke, a nakon završetka radova iste je potrebno ukloniti i korito, obale i okolni teren dovesti u prvobitno stanje.
 - 4.5. Planom organizacije gradilišta koje će se formirati u funkciji provođenja navedenih aktivnosti, treba osigurati tako da mjesta za smještaj građevinske mehanizacije, tečnih goriva i maziva budu locirana izvan uticaja nivoa velikih voda i na takvoj udaljenosti da ne mogu imati negativan uticaj na eventualna izvorišta i vodotoke.

- 4.6. Sve ukrštanja trase saobraćajnice na predmetnoj dionici sa postojećim instalacijama (vodovoda, kanalizacije, telekomunikacioni, energetske kablovi i sl.) prethodno će se rješavati uz saglasnost mjesnog nadležnog preduzeća koje će dati tehničke uslove za izvođenje ovih radova. Investitor je obavezan da izvrši potrebna izmještanja trase vodovoda, kanalizacije i drugih instalacija koje su u koliziji sa radovima koji se izvode u sklopu radova na ovoj saobraćajnici.
- 4.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima.
- 4.8. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl..
- 4.9. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 4.10. U okviru gradilišta riješiti prikupljanje i konačnu dispoziciju sanitarno - fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
- 4.11. Predvidjeti da se sav nastali otpad prikuplja i zbrinjava izvan vodnog dobra i površina obuhvaćenih uticajem velikih voda, a u skladu sa važećim propisima o postupanju sa otpadom.
- 4.12. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i mjera propisanih u dispozitivu ovog rješenja.
- 4.13. Korisnik saglasnosti je dužan da riješi imovinsko-pravne odnose na lokalitetu izvođenja radova, formiranja privremenih gradilišta i pristupnim putevima.
- 4.14. Ispuste oborinskih voda i propusta izvesti tako da ne ugrožavaju proticajni profil vodotoka i ne uzrokuju procese erozije na okolnom terenu, obalama i koritu. Po završenim radovima u zoni vodotoka, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.
5. Ukoliko se u toku izvođenja radova prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku rekonstrukcije predmetnog puta korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20). Uz zahtjev za izdavanje vodne dozvole priložiti projekat izvedenog stanja urađen od ovlaštene projektne kuće.
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Ministarstvo saobraćaja Kantona Sarajevo – Direkcija za puteve se obratilo ovoj Agenciji sa zahtjevom za donošenje Rješenja o vodnoj saglasnosti za dostavljenu projektnu dokumentaciju za rekonstrukciju regionalnog puta R-445, dionica: pružni prelaz – „Alića Han“ – most Gnionica, u dužini cca 440 m, a u postupku pribavljanja građevinske dozvole.

U provedenom postupku dostavljena je i pregledana slijedeća dokumentacija:

A. Opšta dokumentacija:

- Kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 30.04.2008. godine;
- Kopija rješenja o urbanističkoj saglasnosti broj: 05/1-23-1250/19 izdatog dana 09.12.2019. godine od strane Službe za prostorno uređenje i zaštitu okoliša, Općine Ilijaš;
- Kopija Zaključka o ispravci greške u Rješenju o urbanističkoj saglasnosti broj: 05/1-23-1250/19 izdatog dana 09.12.2019. godine, donesenog od strane Službe za prostorno uređenje i zaštitu okoliša, Općine Ilijaš, broj: 05/1-23-1250/19-1 od 13.02.2020. godine;
- Kopija Rješenja o prethodnoj vodnoj saglasnosti broj UP-I/25-1-40-281-6/21 od 07.10.2021. godine, izdato od strane «Agencije za vodno područje rijeke Save» Sarajevo;
- Kopija Rješenja o prethodnoj vodnoj saglasnosti broj: 07-05-21-8474/21 od 21.09.2021. godine, izdato od strane Ministarstva privrede Kantona Sarajevo;
- Dokaz o uplaćenju upravnoj pristojbi.

B. Tehnička dokumentacija:

- Glavni projekat rekonstrukcije regionalnog puta R-445, dionica: pružni prelaz „Alića han“ – most Gnionica, l = 440 m, kniga: odvodnja, urađen od strane „EDI – ING d.o.o. Donji Vakuf, juni 2021. godine
- Kopija Načelne saglasnosti za izvođenje radova na Rekonstrukciji date od strane JKP Vodostan d.o.o. Ilijaš;
- Kopije Zemljišnoknjižnih izvadaka;
- Kopije Katastarskih planova.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da dostavljena dokumentacija nije potpuna. Dopisom broj: UP-1/21-2-40-603-2/21 od 22.12.2021. godine zatraženo je od podnosioca zahtjeva da upotpuni zahtjev u roku od 15 dana od dana prijema dopisa.

Nakon izvršenog uvida u dostavljenu dopunu dokumentacije utvrđeno je da su uz zahtjev dostavljeni traženi prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu dokumentaciju konstatovano je sljedeće:

Podnosilac zahtjeva je za potrebe izrade projektne dokumentacije angažirao projektnu kuću „EDI – ING“ d.o.o. Donji Vakuf, koja posjeduje ovlaštenje za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Projektna dokumentacija je urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-281-6/21 od 07.10.2021. godine na nivou Glavnog projekta, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju pod nazivom:

- Glavni projekat rekonstrukcije regionalnog puta R-445, dionica: pružni prelaz „Alića han“ – most Gnionica, l = 440 m, kniga: odvodnja, urađen od strane „EDI – ING d.o.o. Donji Vakuf, juni 2021. godine.

Projektnom dokumentacijom riješena je odvodnja predmetne dionice regionalnog puta R-445 na dionici pružni prelaz „Alića han“ – most Gnionica.

Glavni kolektori oborinske kanalizacije će se izvesti u trupu pješačke staze rekonstruisane saobraćajnice. Prije ispuštanja oborinskih voda u recipijent izvršit će se ugradnja separatora ulja i masti, kontrolna okna sa ispustom uz „žablji poklopac“ u regulisano korito rijeke Bosne i rijeke Gnionice.

Na osnovu dostavljene projektne dokumentacije, a u cilju smanjenja negativnih uticaja predmetnog objekta i aktivnosti na stanje voda i vodni režim, te omogućavanja korištenja voda i prostora vodnog dobra i prava na vode dodijeljena drugim korisnicima, podnosiocu zahtjeva su ovom vodnom saglasnošću, u tački 4. dispozitiva Rješenja, propisani uslovi u skladu sa članom 114. Zakona o vodama i članom 7. Pravilnika o sadržaju, obliku, uslovima načinu izdavanja i čuvanja vodnih akata, koje je investitor dužan ispuniti u toku gradnje.

Podnosilac zahtjeva je uplatio upravnu taksu u iznosu od 60KM u skladu sa članom 7. Stav 1. Tarifni broj 43. Zakona o federalnim upravnim taksama («Službene novine Federacije BiH» broj 6/98, 8/00, 45/10 i 43/13).


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- Ministarstvo saobraćaja Kantona Sarajevo – Direkcija za puteve, Hamida Dizdara 1, 71000 Sarajevo
- Služba za prostorno uređenje i zaštitu okoliša općine Ilijaš, ul.126. ilijaške brogade 6, 71380 Ilijaš
- AVP Sava, ISV - Vodna knjiga
- Sektor 40, arhiva
- AVP Sava - Oglasna ploča